

ՄՈՂՎԱՎԱՀԱՅ ԳԱՂԹՕՋԱԽՆԵՐԸ ԵՎ ՆՐԱՆՑ ԴԵՐԸ ԱՌԵՎՏՐԱԿԱՆ
ԿԱՊԵՐԻ ԶԱՐԳԱՑՄԱՆ ԳՈՐԾՈՒՄ XVI—XVII ԴԴ.

Ե. Մ. ՊՈԴԳՐԱԴՍԿԱՅԱ (ԳԻՂԻՏԵՆ)

XVI—XVII դդ. Մոլդավիան շարունակում էր առևտրական կապեր պահպանել հարևան պետությունների հետ՝ իբրև գյուղատնտեսական և արդյունագործական արտադրանքի խոշոր մատակարարող։ Նշված ժամանակաշրջանում ընդլայնվում են երկրի առևտրական կապերը Վոլբաղաբի և Ռեչ Պոսպոլիտայի կազմի մեջ մտնող սրբապետակրախնական մյուս կենտրոնների հետ։ Այս ուղղությամբ կատարվող մշտական ապրանքափոխանակության հիմքը աշխատանքի հասարակական բաժանումն էր մեծ քանակությամբ գյուղատնտեսական մթերքներ արտադրող Մոլդավիայի և զանազան արհեստագործական իրեր արտադրող արևմտաուկրաինական քաղաքների միջև¹։

Մոլդավիայից Վոլվի շուկա ներմուծվող ապրանքների մեջ կարևոր տեղ էին գրավում հայտնի «վալախյան ցուլերը», գինին, մեղրը, մեղրամոմը, ընկույզը, ծխախոտը, ինչպես նաև պոտաշը, կաշիները և սեկը (սաֆյան)։ Վոլվից և արևմտաուկրաինական մյուս քաղաքներից քննարկվող ժամանակաշրջանում Մոլդավիա էին արտահանվում մետաղներ (կապար, պղինձ, երկաթե թիթեղներ, ոսկի, արծաթ), գերանդիներ, կաշիներ, մեխեր, ինչպես նաև մահուդ, կտավ, մետաքսե և բամբակե գործվածքներ, զլխարկներ, ապակյա, հախճապակյա և ոսկերչական զանազան իրեր և այլն։

Իր ուրուշակի նշանակությունը պահպանում էր նաև Մոլդավիայի միջոցով կատարվող տարանցիկ առևտուրը, որի շնորհիվ արևմտաուկրաինական մարդերը կապվում էին Արևելքի, զլխավորապես Կոստանդնուպոլսի հետ։

Մոլդավիայի և արևմտաուկրաինական քաղաքների միջև կատարվող առևտրական փոխանակության մեջ, որը նպաստում էր երկու երկրների տնտեսության զարգացմանն ու մոլդավական և ուկրաինական ժողովուրդների միջև պատմական սերտ կապերի հաստատմանը, ակտիվորեն մասնակցում էին ինչպես մոլդավական, այնպես էլ արևմտաուկրաինական քաղաքների հայ վաճառականները։

Փրկվելով օտար զավթիչների ծանր լծից, հազարավոր հայեր իրենց հայրենիքից գաղթեցին տարբեր երկրներ², այդ թվում նաև Մոլդավիա և Ուկրաինա։

Մոլդավիայի տերիտորիայում հայ ընտանիքների առանձին խմբեր բնակություն հաստատեցին այն ժամանակ, երբ այնտեղ պետություն դեռ չէր կազմավորվել³։ Հայերի մի մասը գաղթեց անմիջականորեն Հայաստանից, մի այլ մասը՝ Ղրիմից⁴, որտեղ նրանք XII—XIII դարերում կազմում էին բնակչության մի զգալի մասը⁵։

¹ Տե՛ս Н. А. Мохов, Молдавия эпохи феодализма, Кишинев, 1964, էջ 128—132, 237—240, «История Молдавской ССР», т. I. Кишинев, 1965, էջ 178—182, «Очерки истории СССР, период феодализма XVII в.» под ред. Н. И. Новосельского и А. В. Устюгова, М., 1955, էջ 713—732, Е. М. Подградская, Торговые связи Молдавии со Львовом в XVI—XVII веках, автореферат диссертации, Кишинев, 1965.

² В. К. Восканян, Древняя Русь и Украина в судьбах армян, сборник материалов «Исторические связи и дружба украинского и армянского народов», Ереван, 1961, էջ 68—71.

³ Vlad Banașeanu, Armenii în istoria și în viața Românească, Buc., 1938, էջ 10—13, Л. С. Берг, Население Бессарабии, этнографический состав и численность, Петроград, 1923, էջ 36.

⁴ Vlad Banașeanu, նշվ. աշխ., էջ 12—17.

⁵ В. К. Восканян, նշվ. աշխ., էջ 68.

Հայ գաղթականության հոսանքը Մոլդավիա հատկապես ուժեղացավ այն ժամանակ, երբ այնտեղ պետություն կազմավորվեց: Մոլդավական մի շարք գոսպոդարներ, տեսնելով լեհական այն քաղաքների տնտեսական վերելքը, որտեղ հայկական գաղթօջախներ կային, ձգտում էին հայերին մշտապես բնակեցնել Մոլդավիայում: Այսպես, օրինակ, Ալեքսանդր Դոբրին 1407 թ. առաջարկեց նվազեցնել հարկերի գանձումը հայ վաճառականներից, եթե նրանք բնակություն հաստատեն մոլդավական Սուլավա, Սերետ և Ջերնուլցի քաղաքներում⁶: Հենց այդ ժամանակ լեհաստանից Սուլավա գաղթեց մոտ 700 հայ ընտանիք⁷: Նույն այդ մոլդավական գոսպոդարը 1418 թ. նպաստեց 3000 հայ ընտանիքների վերաբնակեցմանը Սուլավա, Բելգորոդ, Բոտոշանի, Դորոգոյ, Խոտին, Վապուլ, Գալաց քաղաքներում⁸: Թուրքերի կողմից Կաֆան զավթելուց հետո (1475 թ.) Մոլդավիա ուղղվեց ղրիմահայերի մի նոր հոսանք⁹:

Այսպիսով, XIV—XV դարերի ընթացքում հայերը բնակություն հաստատեցին Մոլդավիայի շատ քաղաքներում: XV դ. նրանց զգալի մասը ապրում էր Բելգորոդում: Եվ գա միանգամայն բնական է, եթե հաշվի առնենք այդ քաղաքի դերը տվյալ ժամանակաշրջանի Մոլդավիայի տնտեսական կյանքում: Թուրքիայում ֆրանսիական դեսպան Ջիլբերտ զը Լաննուան, որը 1421 թ. եղել էր Բելգորոդում, հետագայում իր հուշագրություններում նշում էր, որ այդ քաղաքում կար հայկական գաղութ, որն ուներ իր եկեղեցին¹⁰: Ֆրանսիացի ճանապարհորդ Վ. Վալրինը, որը Մոլդավիայում եղել էր 1445 թ., ուշադրություն էր դարձրել այն բանի վրա, որ Բելգորոդում գտնվում էին շատ նավեր, որոնք պատկանում էին հայերին¹¹: Իսկ 1460 թ. այս քաղաքը դարձավ հայ եպիսկոպոսի նստավայրը¹²:

XV դ. հայ գաղթավայրեր կային Բոտոշանիում, Սուլավայում և Յասսիում: XIV դ. կեսերին Բոտոշանիի հայերն ունեին եկեղեցի¹³: 1401 թ. Սուլավայում հիմնվեց հայ եպիսկոպոսություն¹⁴: Սուլավայի հայ բնակիչները ունեին դատական գործերի գծով իրենց շուտուզը¹⁵: Այն փաստը, որ դեռ XIV դարի վերջին Յասսիում կար հայոց եկեղեցի, անուղղակիորեն ապացուցում է, որ այստեղ գոյություն ուներ բավականին խոշոր հայ գաղութ¹⁶: Շատ հայ ընտանիքներ ապրում էին նաև Խոտինում: Այս քաղաքը 1418 թ. հիշատակվում է աղբյուրներում որպես հայ գաղթականների կենտրոն¹⁷: Ոչ այնքան ստույգ տվյալների համաձայն, XIV դ. վերջում Ռոման քաղաքում կային մոտ 500 հայ տներ¹⁸: XV դ. զգալի քանակությամբ հայ ընտանիքներ ապրում էին մոլդավական Սերետ¹⁹ և Կիլիա²⁰ քաղաքներում: Մենք շունենք ճշգրիտ տվյալներ XV դ. մոլդավա-

⁶ Vlad Banașeanu, նշվ. աշխ., էջ 18:

⁷ Նույն տեղում:

⁸ Xenopol, Istoria României, v. II, Iași, 1889, էջ 251; B. P. Hașdeu, Etymologicum magnum, II, էջ 1697; H. Dj. Siruni, Țara voevodului Ștefan, Buc., 1941, էջ 3. Vlad Banașeanu, նշվ. աշխ., էջ 19:

⁹ Vlad Banașeanu, նշվ. աշխ., էջ 18. N. Iorga, Istoria comerțului Românes, v. I, Buc., 1937, էջ 120.

¹⁰ Arhiva Istorică a României, v. I, partea 1, էջ 130; Of Voyages et ambassades de Messire Guillebert de Lannoy en 1309—1450, Mons, 1840.

¹¹ N. Iorga, Studii istorice asupra Chiliei și Cetății Albe, Buc., 1899, էջ 102; Of Wawrin: Anch. Croniques, ed. Hardy, V, էջ 65; N. Iorga, Istoria Românilor prin călători, v. I, Buc., 1928, էջ 70.

¹² Alișan, Geografia Politică, Camenița, էջ 225. H. Dj. Siruni, նշվ. աշխ., էջ 14:

¹³ N. Sutu, Notions statistiques sur la Moldavie, Iassy, 1849; V. Banașeanu, նշվ. աշխ., էջ 26; N. Iorga, Istoria Românilor prin călători, v. I, էջ 234.

¹⁴ P. Panăilescu, Hrisovul lui Alexandru cel Bun. Episcopia armeană din Suceava, Buc., 1935, էջ 4.

¹⁵ Vlad Banașeanu, նշվ. աշխ., էջ 22:

¹⁶ Նույն տեղում, էջ 27:

¹⁷ N. Sutu, Notions statistiques sur la Moldavie, Iassy, 1849; Vlad Banașeanu, նշվ. աշխ., էջ 26; N. Iorga, Istoria Românilor prin călători, v. I, էջ 234; B. P. Hașdeu, Etymologicum Magnum, II, էջ 1697; H. Dj. Siruni, նշվ. աշխ., էջ 5:

¹⁸ Vlad Banașeanu, նշվ. աշխ., էջ 30:

¹⁹ N. Iorga, Studii și documente, v. XXIII, էջ 300, № XXVI.

²⁰ N. Iorga, Istoria comerțului românesc, v. I, էջ 97.

կան քաղաքներում հայերի քանակի վերաբերյալ: Սակայն դասելով այն բանից, որ հայերն այնտեղ օգտվում էին իրենց իրավունքից, ունեին իրենց եկեղեցիները և եպիսկոպոսական նստավայրը, կարելի է եզրակացնել, որ նրանք կազմում էին մոլդավական քաղաքների բնակչության բավական զգալի մասը:

Բազմազան էր վերաբնակեցվածների տնտեսական գործունեությունը Մոլդավիայում: Ղրիմի, Ուկրաինայի, Լեհաստանի իրենց հայրենակիցների նման²¹ նրանք զբաղվում էին արհեստներով առևտրով, երկրագործությամբ, անասնապահությամբ և խաղողագործությամբ, դրանով իսկ նպաստելով իրենց նոր հայրենիքի տնտեսության զարգացմանը:

Անասնապահությամբ զբաղվող հայերը ճանաչվում էին անասունների, գլխավորապես ձիերի, լավագույն ցեղեր²²: Հայ արհեստավորների մի մասը զբաղվում էր կաշվի մշակությամբ և կաշվեղենի արտադրությամբ: Այսպես, 1476 թ. մի փաստաթղթի համաձայն լվովի հետ առևտրական կապեր պահպանող հայ վաճառականների շարքում հիշատակվում են սուլավացի կաշեգործներ Սարգսի և Յակուբի անունները²³: Հետևաբար, մի շարք հայ արհեստավորներ զբաղվում էին թե՛ ապրանք արտադրելով և թե՛ դրանք իրացնելով: Հայ վաճառականներն ու արհեստավորները այդ ժամանակ կազմում էին մոլդավական քաղաքների բնակչության մի զգալի մասը²⁴:

XV դարում Մոլդավիան և Լվովը կարևորագույն օղակներն էին այն առևտրական ճանապարհի, որի միջոցով արևմտաեվրոպական երկրներն էին ուղարկվում մեծ քանակությամբ արևելյան ապրանքներ: Սույն այդ ճանապարհով արևմուտքից դեպի արևելյան շուկաներն էին փոխադրվում Արևմտյան Եվրոպայի արհեստագործության արտադրանքները: Մոլդավիայի և Լվովի միջև կատարվող տարանցիկ առևտրում էական դեր էին խաղում ինչպես արևմտաուկրաինական, այնպես էլ մոլդավական քաղաքների հայ վաճառականները: Այսպես, XV դ. կեսերին Լվովի հետ արևելյան ապրանքների ակտիվ առևտուր էին անում սուլավացի հայեր Սահակն ու Ագոպսան²⁵, 1462—1472 թթ. Լվովում առևտրական գործառնություններ էր կատարում նաև սուլավացի հայ Կոկշան²⁶, 1472 թ. Սուլավայի հայերի մի խումբ Լվովի քաղաքացիություն ընդունեց²⁷. որը զգալիորեն թեթևացրեց այդ քաղաքում նրանց առևտուր անելու գործը: XV դ. երկրորդ կեսին Լվովի շուկայում լայնորեն հայտնի էին սերեցի հայ վաճառականներ Շիլկոն և Գրիգորին²⁸:

Կան մեծ թվով փաստաթղթեր, որոնք վկայում են Լվովի և արևմտաուկրաինական այլ քաղաքների հետ բեղգորուղի հայ վաճառականների առևտրի մասին²⁹:

XV դարի Լվովի և արևմտաուկրաինական այլ քաղաքները հայ վաճառականները զգալի առևտուր էին անում մոլդավական հողերում: Այդ պատճառով էլ պատահական չէ, որ Լվովում, Կամենեց-Պոդոլսկում, Զամոստիեում և այլ քաղաքներում արևելյան ապրանքները, որոնք տարանցիկ ճանապարհներով փոխադրվում էին Մոլդավիայի վրայով, կամ զնվում էին հայ վաճառականների կողմից մոլդավական քաղաքներում, կոչվում էին «հայկական ապրանքներ»³⁰:

XVI—XVII դդ. փոփոխված տնտեսական պայմանների պատճառով հայերը, չթողնելով արևելյան ապրանքների և արևմտաեվրոպական մահուդի առևտուրը, ընդգրկվում են Մոլդավիայի և

²¹ В. К. Восканян, *նշվ. աշխ.*, էջ 68, 72. В. В. Грабовецкий, Армянские поселения на западноукраинских землях, сб. материалов «Ист. связи и дружба украинского и армянского народов», էջ 96—99; նույնի Армянская колония в Снятине, сб. материалов второй украинско-армянской научной сессии, Киев, 1965, էջ 141—142; Н. К. Кривоусс, Роль львовской армянской колонии в развитии торговли на западноукраинских землях в I пол. XVII в., էջ 101—104.

²² Vlad Banașeanu, *նշվ. աշխ.*, էջ 22—23.

²³ N. Iorga, Studii și documente, v. XXIII, էջ 310, № LVII.

²⁴ Н. А. Мохов, Молдавия эпохи феодализма, էջ 130.

²⁵ N. Iorga, Studii și documente, v. XXIII, էջ 297, doc. № XV, էջ 310, № LVII, էջ 311, № LXII.

²⁶ Նույն տեղում, v. XXIII, էջ 295, № IX, էջ 296, № XIV, էջ 306; № XLVI, էջ 307, № XLVIII, էջ 308—9, № LI—II.

²⁷ N. Iorga, Studii și doc., v. XXIII, էջ 300, d. № XXVI.

²⁸ Սույն տեղում.

²⁹ N. Iorga, Studii istorice asupra Chiei și Cetății Albe, Buc., 1899, Apendice și documente, էջ 282—296.

³⁰ В. В. Грабовецкий, Армянские поселения на западноукраинских землях, էջ 96.

արևմտաուկրաինական քաղաքների միջև կատարվող առևտրափոխանակության մեջ, վաճառելով գերազանցապես տեղական արտադրության ապրանքներ:

Մոլդավիայի և Արևմտյան Ուկրաինայի հայկական զաղթավայրերը դրական դեր են խաղացել Մոլդավիայի և նրա հյուսիսային հարևանի միջև պատմական կապերի ամրապնդման և զարգացման գործում: Ներկա հաղորդման մեջ մենք նպատակ չենք դնում բոլոր տեսակետներից մանրակրկիտ լուսարանելու մոլդավահայերի գործունեության ոլորտները, բայց կփորձենք հակիրճ կերպով, եղած արձանագրական նյութերի հիման վրա քննարկել XVI—XVII դդ. Մոլդավիայի ու լվովի և արևմտաուկրաինական մյուս քաղաքների միջև կատարված խոշոր առևտրափոխանակության ասպարեղում հայ վաճառականների մասնակցության հարցը:

Ինչպես նշվեց, քննարկվող ժամանակաշրջանում հայկական ստվար բնակչություն ունեցող առավել խոշոր քաղաքներից մեկը Սուլավան էր: 1608 թ. այս քաղաքն այցելած Սիմեոն Լեհացու տվյալների համաձայն՝ քաղաքի հայոց զաղութը հաշվվում էր 300—400 ընտանիք³¹, Ըստ կաթոլիկ եկեղեցու գործիչ Մ. Բանդինիի, որը Սուլավայում եղել էր ավելի ուշ՝ 1640 թ., քաղաքում ապրում էին «20 հազար մոլդավացի, 3 հազար հայ՝ երեսներով հանդերձ. մոլդավացիները քաղաքում ունեին 17 եկեղեցի, իսկ հայերը 4»³²: Սթենույնիսկ հաշվի առնենք քաղաքի հայկական բնակչության վերաբերյալ բերված տվյալների հնարավոր անճշտությունը, այնուամենայնիվ այդ տեղեկությունները պերճախոս կերպով վկայում են այն մասին, որ XVI—XVII դդ. Սուլավայում կար բավականաչափ մեծ բնակչություն: Քաղաքում կային մի շարք փողոցներ, որտեղ բնակվում էին հայեր և այդ պատճառով էլ կոչվում էին հայկական: Այսպես մոլդավական գոսպոդար Ե. Մոգիլայի 1597 թ. հունվարի 22-ի հրամանագրում նշվում է, որ սուլավացի հայ խոշոր վաճառական Բոգդանը գոսպոդարից ստացել է մի և... տուն Մեծ հայկական փողոցում³³:

Ինչպես Արևմտյան Ուկրաինայի քաղաքներում, նույնպես և Սուլավայում հայոց զաղութը XVI—XVII դդ. իրավական տեսակետից մի առանձին համայնք էր, որը ղեկավարվում էր հայոց իրավունքով: Ինչպես երևում է Սուլավայի «վորնիկի» 1601 թ. հունիսի 24-ին Բիստրիցա ուղարկված նամակից, քաղաքում գոյություն ունեին «հայ շուտուզ իր խորհրդականներով»³⁴, Հայ շուտուզի մասին հիշատակություններ են հանդիպում նաև ավելի ուշ շրջանի փաստաթղթերում: Այսպես, օրինակ, առքի և վաճառքի վերաբերյալ մի արձանագրությունում, որ կազմված է 1670 թ. դեկտեմբերին, նշվում է, որ «Սուլավա քաղաքի հայ շուտուզ Կիրիկան» վաճառում է խաղողի այգի³⁵: Սուլավայի հայերն ունեին նաև իրենց եկեղեցական կազմակերպությունը:

Սուլավայի հայ բնակիչները ամենատարբեր զբաղմունքի տեր մարդիկ էին: Վերևում մեր նշած 1597 թ. հունվարի 22-ի գոսպոդարական հրամանագրից և այլ փաստաթղթերից երևում է, որ քաղաքի շատ հայ բնակիչներ ունեին խաղողի այգիներ, արոտավայրեր, լճակներ և այլն³⁶ և զբաղվում էին ոչ միայն առևտրով ու արհեստներով, այլև գյուղատնտեսությամբ:

Սուլավայի հայերից հայտնի ևս մի շարք ականաւոր դիվանագետներ և թարգմանիչներ: Այսպես, օրինակ, սուլավացի հայ նիկոլայ Բայդուլովիչը հիանալի տիրապետում էր մի քանի արևելյան լեզուների, և 1567 թ. ընտրվեց լվով քաղաքի թարգմանիչ³⁷: Բայց և այնպես այս քաղաքի հայ բնակիչների զգալի մասը հավանորեն զբաղվում էր առևտրով և արհեստներով:

XVI—XVII դդ. Մոլդավիայում մեծ զարգացում ապրեց կաշվի մշակումը, որի կարևորագույն կենտրոններից էին Յասսին և Սուլավան: Վերջինս հատկապես լայն ճանաչում է գտնում

³¹ М. О. Дарбинян, Симеон Лехацци о странах юго-восточной Европы, «Восточные источники» по истории народов юго-восточной и центральной Европы, М., 1964, էջ 254.

³² V. A. Urechia, Codex Bandinus. An. Ac. Rom., seria II. v. XVI, Buc., 1895, էջ 249.

³³ N. Iorga, Studii și documente, v. VI. էջ 636—637, d. XVI; E. Hurmuzaki, Documente, v. XI, էջ 318.

³⁴ E. Hurmuzaki, նշվ. աշխ., v. XV, partea 2, էջ 784, № MDCXII.

³⁵ N. Iorga, Studii și documente, v. VII, էջ 379, d. 14, № 2.

³⁶ Նույն տեղում, v. VI, էջ 637, d. XVI, Documente privind Istoria României, A. veacul XVI, v. III, էջ 78, A. veac. XVII, v. I, էջ 95—96.

³⁷ Cadok Baračz, Żywoty stawnych armian w Polsce, Lwow, 1856, էջ 56—57.

«Սուլավայի հայտնի սեկի» արտադրության շնորհիվ³⁸։ Այդ արտադրանքը մեծ պահանջարկ էր գտնում արևմտաուկրաինական քաղաքներում։ Մրա հետևանքով էլ բնական է, որ կաշին և սեկը կարևորագույն տեղ էին զբաղում Մոլդավիայի արտահանության այն ճյուղում, որն ընդգրկում էր արհեստագործական ապրանքները։ XVI—XVII դդ. ընթացքում սուլավացի հայազգի արհեստավորների և վաճառականների զգալի մասը զբաղվում էր կաշվի և սեկի առևտրով, այդ արժեքավոր ապրանքներով մատակարարելով լվովը և արևմտաուկրաինական այլ քաղաքները։ Լվովում լայնորեն զարգացած էր արհեստագործական այն ձեռնարկությունների ցանցը, որոնք մասնագիտացել էին կաշվե զանազան առարկաների արտադրության մեջ, այն է՝ կոշիկ, կապարձ, ուղեպարկեր, թամբ և ձիերի կաշվե ալ սարքեր և այլն³⁹։ Բացի այդ, լվովի շուկա գալիս էին Ռեչ Պոսպոլիտայի այլ քաղաքներից և արտասահմանից ժամանած վաճառականներ ևս, որոնք տեղում գնում էին մեծ քանակությամբ կաշի, սեկ և մորթիներ⁴⁰։ Այսպես, 1584 թ. սուլավացի հայ Պոպովիչը Սնյատինում վաճառում էր զանազան ապրանքներ, որոնց թվում նաև «150 սեկ»⁴¹։ 1599 թ. սուլավացի Խաչերիսը լվովին մատակարարում էր սեկի կաշի⁴²։ Լվովի քաղաքային խորհրդի 1621 թ. արձանագրություններից մեկից իմանում ենք, որ այդ ժամանակ լվովի վաճառականների մի խումբ գնել է «սուլավացի վեց հայ վաճառականներից 1828 զլոտի և 24 գրոշի սեկ»⁴³։ Լվովում 1631 թ. կայացած դատաքննության ժամանակ լվովցի հայտնի վաճառական Ա. Ստրելցկին խոստովանում էր, որ սուլավացի հայերին գնած սեկի դիմաց պարտք է մնացել 1800 զլոտի⁴⁴։ Լվով քաղաքի վոյտական դատարանի 1650 թ. մի արձանագրությունից երևում է, որ 1649 թ. հոկտեմբերի 8-ին Սնյատինում պայմանագիր է կնքվել լվովցի վաճառական Ստադնիցկու և սուլավացի հայ Թորոս Ախանտովիչի միջև, որի համաձայն վերջինս պարտավորվել է առաջինին մատակարարել «700 եզան և հորթի կաշի»՝ լվովի տոնավաճառից մեկ շաբաթ առաջ⁴⁵։ Մեր բերած տվյալները խոսում են սեկի կաշվի առևտրում սուլավացի հայերի զգալի դերի մասին։

Մեր ձեռքի տակ եղած փաստաթղթերը թույլ չեն տալիս որոշակիորեն եզրակացնելու, թե որ դեպքում են սեկն ու կաշին վաճառել իրենք արհեստավորները և որ դեպքում՝ վաճառականները։ Բայց հաշվի առնելով այդ ժամանակաշրջանի արհեստագործության և առևտրի զարգացման մակարդակը, կարելի է ենթադրել, որ վերոհիշյալ սուլավացի հայերի մի մասը զբաղվում էր ոչ միայն վաճառքով, այլև կաշվի մշակմամբ և սեկի արտադրությամբ։ Չէ՞ որ հայերը դեռ հնագույն ժամանակներից հայտնի են եղել որպես կաշեգործ և սեկագործ վարպետներ։ Լեհաստանի և Արևմտյան Ուկրաինայի հայկական գաղթավայրերի պատմության վերաբերյալ հետազոտությունները ասպարեցում են, որ հենց հայ սեկագործ վարպետներն են եղել այդ արհեստի հիմնադիրներն այստեղ⁴⁶։ Հայերը նույն շրջանում հռչակված էին հվրոպայում որպես ամենալավ սեկ պատրաստողներ⁴⁷։ Լվովում նույնպես ամենահայտնի կաշեգործները հայերն էին⁴⁸։ Կաշե-

38 См. О. М. Подградська, про вивіз ремисничих зировів із Молдавії, на п'єввиський ринок у XVI—XVII ст., «Український історичний журнал», № 1, січень 1965, էջ 115—117.

39 С. Г. Білецький, Развитие ремесла і промислів у Львові в середині XVII ст., з історії західноукраїнських земель, т. II, Київ, 1957, էջ 21.

40 ЦГИА УССР, г. Львов, ф. 52, оп. 3, Акты войтовского суда, кн. 406, р. 102, 106, кн. 398, р. 1676, 1662 և հտ.

41 Там же, Акты городского суда, ф. 52, оп. 3, кн. 246, р. 1584.

42 N. Iorga, Relațiile comerciale ale Terilor noastre cu Lembergul, Regeste și documente din arhivele orașului Lemberg, partea I, Buc., 1900, էջ 113.

43 ЦГИА УССР, г. Львов, Акты городского совета, ф. 52, оп. 3, кн. 36, р. 131.

44 W. Lozinski, Patrycyat i mieszczaństwo lwowskie w XV i XVII wieku, Lwów, 1902, էջ 331.

45 ЦГИА УССР, г. Львов, ф. 52, оп. 3, Акты войтовского суда, кн. 401, р. 1321—1322.

46 Я. П. Кисель, Участие армян в развитии ремесла г. Львова в XV—XVII вв., сб. материалов «Ист. связи и дружба украинского и армянского народов», Киев, 1965, էջ 138; Н. К. Кривонос, Армянская колония во Львове в первой половине XVII в., автореферат кандидатской диссертации, Ереван, 1965, էջ 6.

47 Я. П. Кисель, նշվ. աշխ., էջ 137.

48 Նույն տեղում։

գործական արտադրության մեծ հոշակ էին վայելում նաև Սնյատինի և արևմտաուկրաինական մյուս քաղաքների հայերը⁴⁹։ Մեզ ամենևին պատահական չէ թվում այն փաստը, որ XV դ. Մուղալիայի պատմությանը վերաբերող սակավաթիվ փաստաթղթերում հիշատակվում են սուլավացի հայ կաշեգործներ, որոնք, ըստ երևույթին, որոշակի դեր են խաղացել Մուղալիայի, մասնավորապես Սուլավայի, կաշեգործական արտադրության զարգացման գործում։ Իսկ եթե Արևմտյան Ուկրաինայի քաղաքներում, ուր ապրում էին ոչ քիչ թվով լավագույն սեկագործ և կաշեգործ վարպետներ, այդ ժամանակ Սուլավայի սեկը մեծ պահանջարկ էր գտնում, ապա դա ևս այն բանի ապացույցն է, որ Սուլավայի սեկը իր որակով չէր զիջում այնտեղի լավագույն նմուշներին և որ դրա արտադրությանը զբաղվում էին այնպիսի վարպետներ, որոնց կաշի մշակելու արվեստը իր մեջ ամբարել էր նախորդ շատ սերունդների հմտությունը։

Լվովցի հայ վաճառականները Սուլավայի որակյալ սեկը վաճառում էին երկրի տարրեր քաղաքներում։ Այսպես, օրինակ, 1633 թ. լվովահայ Բեդրոս Լուսիկովիչը և Նիկոլայ Օվանիշովիչը Յազլովցում գնեցին 1700 կաշի, որոնց մեջ կային «200 սուլավական սեկեր», և տարան Յարոսլավ քաղաքում վաճառելու⁵⁰։ Արևմտաուկրաինական տարրեր քաղաքներում մուղավական (հատկապես սուլավական) և թուրքական սեկի մանրաձախ առևտուր էր անում լվովցի հայ վաճառական Դարբիել Մախիցիովիչը⁵¹։

Սեկից բացի Սուլավայի հայերը Լվով էին ներմուծում նաև մուղավական և հունական գինիներ, համեմունքներ և արևելյան կերպասներ։ Այսպես, 1565 թ. սուլավացի հայ Յզարիկը մետաքս էր տանում Լվով⁵²։ 1578—1579 թթ. Լվովի մաքսային մատյաններում գրանցված է Սուլավայի հայ վաճառականների կողմից «մալվազիա» գինու ներմուծում⁵³։ 1584 թ. մի փաստաթղթից իմանում ենք, որ սուլավացի հայ Իոսիֆ Պոպովիչը Սնյատինում սեկ և արևելյան ապրանքներ է վաճառել⁵⁴։

Ինչպես երևում է այն ժամանակվա փաստաթղթերից, սուլավացի հայ վաճառականները մուղավական և արևելյան ապրանքների առևտուր էին անում ոչ միայն Լվովում, այլև Կամենեց-Պոդոլսկում, Յարոսլավում, Սնյատինում, Յազլովցում, Զամոստիեում և այլ քաղաքներում⁵⁵։

Սուլավայի հայերը Լվովից Մուղալիա էին տանում զլխավորապես երկաթ, զանազան տեսակի մահուդներ, բամբակյա գործվածքներ և այլ կտորներ։ Լվովի մաքսատան 1578—1580 թթ. պահանջված մատյաններից երևում է, որ այդ ժամանակ Սուլավայի հայերը Լվովից Մուղալիա մեծ քանակությամբ երկաթ էին փոխադրում⁵⁶։ Նույն այդ մատյաններում գրանցված է, որ սուլավացի հայերը Լվովից արտահանում էին զանազան մահուդներ, բամբակե գործվածքներ և այլ ապրանքներ⁵⁷։ Լվովում սուլավացի հայ վաճառականների կողմից երկաթ գնելու փաստեր արձանագրված են նաև հետագա տարիների մաքսային մատյաններում⁵⁸։

Բերված փաստացի տվյալներից կարելի է եզրակացնել, որ Սուլավայի հայ բնակչությունը աչքի ընկնող դեր էր խաղում քաղաքի տնտեսական կյանքում, իսկ սուլավացի հայ վաճառականները նպաստում էին արևմտաուկրաինական քաղաքների հետ երկրի ապրանքափոխանակության ընդլայնմանը այնպիսի կարևորագույն ապրանքների գծով, ինչպիսիք էին երկաթը և սեկը։

49 В. В. Грабовецкий. Армянская колония в Снятине, сб. материалов «Исторические связи и дружба украинского и армянского народов», էջ 141։

50 ЦГИА УССР, г. Львов, ф. 52, оп. 3, Акты армянского суда, кн. 523, թ. 1654—1655։

51 նույն տեղում, կն. 531, թ. 1794։

52 N. Iorga, Relațiile comerciale..., էջ 44։

53 R. Rybarski, Handel i polityka handlowa Polski w XVI stuleciu, t. II, Poznań, 1928, էջ 267։

54 ЦГИА УССР, г. Львов, ф. 52, оп. 3, Акты городского суда, кн. 246, թ. 1086։

55 ЦГИА УССР, г. Львов, Акты войтовского суда, ф. 52, оп. 3, кн. 390, թ. 636—637, կն. 399, թ. 1315, նույն տեղում, Акты городского суда, ф. 52, оп. 3, кн. 246, թ. 1086։

56 P. Rybarski, նշվ. աշխ., հատ. II, էջ 255։

57 նույն տեղում։

58 նույն տեղում, էջ 137։

Քննարկվող շրջանում հայկական մի խոշոր բնակավայր կար նաև Յասսիում, Ստեֆան III Մեծի կառավարման շրջանում Յասսիում բնակվում էր մոտ 600 հայ ընտանիք⁵⁹, Իտալացի կաթոլիկ քարոզիչ Մանչինելլին, որը 1580 թ. եղել էր Յասսիում, հաղորդում է, որ քաղաքում ապրում են շատ հայեր⁶⁰, Վերևում հիշատակված կաթոլիկ եկեղեցու գործիչ Բանդինին 1640 թ. լինելով Յասսիում, հետագայում նշում էր, որ քաղաքի հիմնական բնակչության՝ մոլդավացիների հետ միասին ապստեղ ապրում են հունգարացիներ, հույեր...» և այլ ազգություններ⁶¹:

XVI դ. Յասսիում հայոց դատարանի գոյության վերաբերյալ առաջին փաստական վկայությունը Կամենեց-Պոդոլսկի հայոց դատարանի մատյաններում 1574 թ. հուլիսի 13-ի արձանագրությունն է⁶², Ավելի ուշ շրջանի փաստաթղթերում նույնպես հիշատակություններ են հանդիպում դատական գործերի գծով հայ շոտուզների մասին⁶³, Յասսիի հայերն ունեին իրենց եկեղեցական կազմակերպությունը, ինչպես հիշատակում է Մ. Բանդինին, 1640 թ. այս քաղաքում կար երկու հայկական եկեղեցի⁶⁴, XVI—XVII դդ. Սուլավան և Յասսին փոփոխակիորեն դառնում են հայ եպիսկոպոսի նստավայրը⁶⁵:

Բազմապիսի էին Յասսիի հայերի զբաղմունքները, նրանց մեջ կային վաճառականներ, արհեստավորներ, ոսկերիչներ⁶⁶ և այլն: Յասսիի հայերը հռչակված էին որպես հմուտ դեղագործներ, որոնք պատրաստում էին զանազան դեղեր և անուշահոտ քսուկներ⁶⁷:

XVI—XVII դդ. մոլդավական պետության մայրաքաղաք Յասսին առևտրի խոշոր կենտրոնն էր և, ինչպես արդեն նշել ենք, կաշեգործական բավականաչափ զարգացած արտադրության քաղաք: Այդ պատճառով էլ բնական է, որ կաշին և սեկը աչքի ընկնող տեղ էին գրավում Յասսիի հայերի առևտրում և այդ ապրանքները այստեղ գնում էին նաև արևմտակրահայկական քաղաքների հայ վաճառականները: Այսպես, 1621 թ. Զամոստիե քաղաքից հայ վաճառական Վարդերիսը Յասսիում գնեց «1200 կամ 1300 սեկի կաշի»⁶⁸, Մի այլ հայ վաճառական, լվովցի Զախարիաշ Եմիրովիչը 1668 թ. վոյտական դատարանում հայտնեց, որ «ինքը պարոն Դոմինիկի հետ միասին Յասսիում գնել է սեկ, որը հետո բաժանել են իրար մեջ»⁶⁹:

Յասսիի հայ վաճառականները լվով և արևմտակրահայկական այլ քաղաքներ էին տանում նաև արևելյան կերպասներ, 1538 թ. մի փաստաթուղթ վկայում է, որ Յասսի քաղաքի հայ բնակիչ Վարդիկը այդ ժամանակ լվովում արևելյան կերպասներ էր վաճառում⁷⁰, 1591 թ. լվովում և Կամենեց-Պոդոլսկում արևելյան ապրանքների առևտուր էր անում Յասսի քաղաքի հայ բնակիչ Մուրադը⁷¹:

Իսկ լվովում Յասսիի հայ վաճառականները գնում էին գլխավորապես արհեստագործական արտադրանք՝ զանազան որակի մահուդներ, ոսկերչական իրեր և թանկարժեք քարեր: Այսպես, 1614 թ. ապրիլի 27-ին Յասսիում կնքվեց պայմանագիր մի կողմից վալախացի մաքսային աշխատող Կանդիմ Վրանաշի և, մյուս կողմից, լվովի հայ վաճառական Անդրեյ Թորոսովիչի ներկայացուցչի միջև: Վերջինս պարտավորվեց Վրանաշին մատակարարել 280 թոփ զանազան որա-

⁵⁹ N. Suțu, Notions statistiques sur la Moldavie, Iassy, 1849, V. Banațeanu նշվ. աշխ., էջ 29:

⁶⁰ E. Hurmuzaki, Documente, v. XI, էջ 116, № CXCII,

⁶¹ Codex Bandinus, էջ 257:

⁶² В. Р. Григорян, Об актовых книгах армянского суда г. Каменец-Подольска (XVI—XVII вв.). «Восточные источники по истории народов юго-восточной и центральной Европы». М., 1964, էջ 290:

⁶³ E. Hurmuzaki, Documente, v. XV, էջ 257, № CCCCLXX, էջ 727—8, № MCCCCXXXV.

⁶⁴ Codex Bandinus, էջ 250:

⁶⁵ Vlad Banațeanu, նշվ. աշխ., էջ 24:

⁶⁶ N. Bogdan, Orașul Iași, 1913, էջ 341:

⁶⁷ E. Hurmuzaki, նշվ. աշխ., v. XI, էջ 113—116, № CXCII, v. XV, էջ 816, № MDCLIX.

⁶⁸ ЦГИА УССР, г. Львов, Акты войтовского суда, ф. 52, оп. 3, кн. 395, р. 666—667:

⁶⁹ նույն տեղում, кн. 406, р. 102—106:

⁷⁰ N. Iorga, Relațiile comerciale..., էջ 88.

⁷¹ ЦГИА УССР, г. Львов, ф. 52, оп. 3, Акты войтовского суда, кн. 385, р. 759—760.

կի մահուի⁷²։ Լվովից գյուղատնտեսական գործիքների մատակարարման մասին պայմանագրեր էր կնքում Յասսիի հայ բնակիչ Գարգաշովիչը։ Այսպես, 1652 թ. նա այդպիսի մի պայմանագիր կնքեց Լվովցի Իսահակ Լազարովիչի հետ, որով վերջինս պարտավորվում էր Սնյատինի տոնավաճառի համար Գարգաշովիչին մատակարարել երեք «ֆասա» գերանդի⁷³։ Լվովահայ վաճառականները Յասսիում ունեին իրենց առևտրական ներկայացուցիչները, որոնք ղանազան առևտրական գործարքներ էին կնքում տեղի վաճառականների հետ։ Լվովի հայոց դատարանի 1594 թ. մի արձանագրությանից երևում է, որ Լվովցի հայ Դավիթ Սերբեկովիչը համաքաղաքացիներ Մուրազ Նորբեգի և Սերպեր Նուրիդիանովիչի հանձնարարությամբ Յասսիում և մոլդավական այլ քաղաքներում առևտուր էր անում⁷⁴։ 1594 թ. նա Մոլդավիա, մասնավորապես Յասսի բերեց մեծ քանակությամբ «մահուի, մարգարիտներ, արծաթե զավաթներ և այլ ապրանքներ»⁷⁵։ Իսկ Յասսիում նա գնեց կաշի և մետաքս⁷⁶։

Արևմտաուկրաինական քաղաքների հետ Յասսիի հայ վաճառականների ընդարձակ կապերի մասին են վկայում բազմաթիվ պարտամուրհակները։ 1576 թ. կազմված մի պարտավորագրի համաձայն, Յասսիի հայ բնակիչ Դրագիլը գործարար կապեր էր պահպանում Կամենեց-Պոդոլսկի հայ վաճառականների հետ⁷⁷։ 1598 թ. Լվովահայ վաճառական Նորբեգ Պոպովիչը առևտրական գործարքներ էր կատարում Յասսիի իր հայրենակիցներ Խաբարովի և Նիկոլոնի հետ⁷⁸։ Լվովցի վաճառական Ֆրեդերիկ Պենսի 1586 թ. կազմած վարկատուների և պարտատերերի ցուցակում նշված են նաև հայ վաճառականներ Ջադիկը Յասսի քաղաքից, Թոդորը՝ Սուչավայից և ուրիշներ⁷⁹։

Մեր բերած փաստական տվյալներից երևում է, որ Յասսիի հայ բնակչությունը նպաստում էր քաղաքի տնտեսության և առևտրի զարգացմանը և արևմտաուկրաինական քաղաքների հետ նրա տնտեսական կապերի ամրապնդմանը։

XVI—XVII դդ. հայեր էին ապրում նաև Բոտոշանի քաղաքում։ Այս քաղաքի հայ վաճառականների ղգալի մասը նշված ամբողջ ժամանակաշրջանում ղբաղվում էր արևմտաուկրաինական քաղաքներին այնպիսի ավանդական ապրանք մատակարարելով, ինչպիսին ձուկն էր։ Լվովի վոյտական դատարանի 1574 թ. արձանագրություններից մեկը վկայում է, որ Լվովցի հայ Միկո Յակուրովիչը ձուկ գնեց Բոտոշանցի հայերից⁸⁰։ Նույն դատարանի 1623 թ. մի արձանագրությանից երևում է, որ Կամենեց-Պոդոլսկի բնակիչ Իվաշկո Լուկաշովիչը 3 «կուֆա» ձուկ է գնել Բոտոշանցի հայ Նիկոլայ Նիգոլիից⁸¹։ 1633 թ. մի այլ փաստաթղթից իմանում ենք, որ Բոտոշանցի հայ Իվան Թեոդորովիչը ձուկ է վաճառել Սնյատինի և Լվովի տոնավաճառներում⁸²։ Վոյտական դատարանի 1646 թ. մի արձանագրության համաձայն Լվովցի վաճառական Իվաշկովիչը Բոտոշանցի հայ վաճառական Դրագանից գնել է «երկուհարյուր քար ձուկ»⁸³։ Սնյատինի, Կոլոմիի և ուկրաինական այլ քաղաքների տոնավաճառներում XVII դ. կեսերին լինում էին նաև Բոտոշանցի հայ վաճառականներ⁸⁴։ Բոտոշանցի հայերը Լվովում և արևմտաուկրաինական այլ քաղաքներում գնում էին հիմնականում մահուի, զխարկներ և ղանազան արհեստագործական արտադրանք⁸⁵։

⁷² Նույն տեղում։

⁷³ Նույն տեղում, ԿՈ. 402, թ. 1998—2000, ֆասան=13—14 հատի, տե՛ս P. Pybarski, նշվ. աշխ., հատ. II, էջ 259։

⁷⁴ ЦГИА УССР, г. Львов, ф. 52, оп. 3, Акты армянского суда, ԿՈ. 515, թ. 823—831, ԿՈ. 516, թ. 121—123, 278—281, 413—415։

⁷⁵ Նույն տեղում, գ. 515, թ. 823—832։

⁷⁶ Նույն տեղում, գ. 515, թ. 828—830։

⁷⁷ N. Iorga, Studii și documente, v. XXIII, էջ 355, d. CLXXXVII։

⁷⁸ ЦГИА УССР, г. Львов, ф. 52, оп. 3, Акты армянского суда, ԿՈ. 517, թ. 135—141։

⁷⁹ Նույն տեղում, Акты городского суда, ф. 52, оп. 3, ԿՈ. 227, թ. 488—489։

⁸⁰ Նույն տեղում, Акты войтовского суда, ԿՈ. 381, թ. 917։

⁸¹ Նույն տեղում, ԿՈ. 396, թ. 75—77, Կուֆան=2 տակառի, տե՛ս Я. Д. Исаевич, նշվ. աշխ., էջ 12։

⁸² Նույն տեղում, գ. 398, թ. 1630։

⁸³ Նույն տեղում, գ. 401, թ. 1654։ Մեկ «քարը»—32 ֆունտի, Լվովի ֆունտը=405,224գ, տե՛ս Я. Д. Исаевич, նշվ. աշխ., էջ 12։

⁸⁴ Նույն տեղում, Акты городского суда, ԿՈ. 243, թ. 1593—1601։

⁸⁵ Նույն տեղում, Акты войтовского суда, ԿՈ. 380, թ. 108—110։

Քննարկվող ժամանակաշրջանում արևմտաուկրաինական քաղաքների հետ առևտրական կապեր էին պահպանում նաև մոլդավական ուրիշ քաղաքների հայ բնակիչներ. օրինակ Պոպան՝ Տիրգովիշտե քաղաքից⁸⁶, Վարդանը՝ Ռոմանից⁸⁷, Մատին՝ Խոտինից⁸⁸ և այլն:

Վերևում արդեն նշեցինք, որ մոլդավական մի շարք գոսպոդարներ իրենց քաղաքների տընտեսության զարգացմանը նպաստելու համար Մոլդավիա՝ մշտական բնակության էին հրավիրում հայ վաճառականների և արհեստավորների: Բացի այդ, Ռեչ Պոսպոլիտայում բնակվող հայ վաճառականները մոլդավական իշխաններից երկրում ազատ առևտուր անելու երաշխիքներ էին ստանում: Օրինակ, 1614 թ. մոլդավական գոսպոդար Թոմեֆան Տոմշան Լվովի քաղաքային իշխանություններին ուղարկած իր ուղերձում խնդրում էր հայտնել աեղի վաճառականներին, այդ թվում նաև հայերին, «որ կարող են ապրանքներ վաճառելու և գնելու համար ազատ կերպով Մոլդավիա՝ ճանապարհով հետևյալ ուղիներով՝ դեպի Չերնովցի, Խոտին և Սորոկա»⁸⁹: Ուղերձում այնուհետև նշվում էր, որ «հրաման է տրված այդ վայրերի պիրկալաբներին, որ նշված վաճառականները իրենց ապրանքներով երկրում երթևեկեն ազատորեն»⁹⁰:

Մոլդավական գոսպոդարները և երկրի առևտրով զբաղվող պաշտոնատար այլ անձինք շատ հաճախ օգտվում էին հայ վաճառականների ծառայություններից: Այսպես, 1564 թ. սուլավացի հայ վաճառական Դրագունը Լվով մեկնեց այն ապրանքներով, «որոնք իրեն վստահել էր մոլդավական գոսպոդարը»⁹¹: Լվովի քաղաքային դատարանի 1595 թ. նիստերից մեկում վաճառական Ասվադուրը ցուցմունք էր տալիս այն մասին, որ հայազգի «Արևը խոշոր առևտուր էր անում մոլդավական գոսպոդար Արոնի հետ և վերջերս նրանից գնել է 3 հազար ասպրի վալախական ապրանքներ»⁹²:

Ընդհանուր առմամբ նշելով հայերի գրական դերը Մոլդավիայի տնտեսության և առևտրի զարգացման գործում, չի կարելի համաձայնել ուսմիական բուրժուական մի շարք պատմաբանների՝ փաստապես չհիմնավորված այն պնդումներին, թե իբրև Մոլդավիայի, մասնավորապես Սուլավայի, Սերետի և այլ վայրերի ամբողջ առևտուրը կատարվում էր հայերի միջոցով: Հիշյալ պատմաբանները դարձյալ անհիմն կերպով իդեալականացնում են հայ գաղթականների կյանքը, նշելով թե իբրև նրանք բոլորը հարուստ և ունեոր մարդիկ էին⁹³: Մոլդավական քաղաքների հայ բնակչությունը, Լվովի և արևմտաուկրաինական մյուս քաղաքների հայ բնակիչների պես սոցիալտնտեսական տեսակետից միասնական ամբողջություն չէր կազմում⁹⁴: Այդ հայերի մեջ կային հարուստ վաճառականներ, որոնք ունեին խանութներ, տներ, հողակտորներ, խաղողի այգիներ և այլ սեփականություն: Նրանց հակադրություն էին իրենց իսկ աղքատ հայրենակիցները, որոնք հաճախ զուրկ էին նույնիսկ սնվելու միջոցներից: Օրինակ, ինչպես երևում է Երեմիա Մոգիլայի 1597 թ. հունվարի 22-ի գոսպոդարական հրամանագրից, Սուլավայում ապրում էին այնպիսի հարուստ հայեր, ինչպիսին էր վաճառական Բոգդանը՝ տների, լճակների, արոտավայրերի և մի քանի խաղողի այգիների այդ սեփականատերը⁹⁵: Այլ փաստաթղթեր վկայում են Սուլավայի մի շարք հայերի աղքատ լինելու մասին: Լվովի վոյտական դատարանի 1650 թ. արձանագրություններից մեկում կարելի է հանդիպել մի քանի վաճառականների ցուցմունքների, որոնք վերաբերում են սուլավացի վախճանված Հովհաննեսի ունեցվածքին: Այսպես, Իվաշկո Քրիստոֆորովիչը հայտնում է, որ Հովհաննեսը «աղքատ էր, աշխատում էր որպես սայլապան և Սուլավայից վաճառականներ էր փոխադրում Սնյատին»⁹⁶: Մի այլ վկա, Յասսիի հայ բնակիչ Թորոսը վկայում էր, որ Հովհաննեսն այնքան աղքատ էր, որ երբ մահացավ, «նրան թաղեց իր փողով սուլավացի Անտո-

⁸⁶ E. Hurmuzaki, Documente, v. XV, էջ 59.

⁸⁷ N. Iorga, Studii și documente, v. XXIII, էջ 349, № CLXIX.

⁸⁸ В. Р. Григорян, նշվ. աշխ., էջ 291.

⁸⁹ ЦГИА УССР, г. Львов, ф. 52, оп. 1, Акты городского совета, д. 522, фасц. 281, док. 112.

⁹⁰ նույն տեղում, д. 522, фасц. 281, док. 112.

⁹¹ ЦГИА УССР, г. Львов, ф. 52, оп. 3, Акты городского совета, кн. 14, № 296.

⁹² նույն տեղում, Акты городского суда, ф. 52, оп. 3, кн. 251, № 137—140.

⁹³ Șteu Vlad Banașeanu, նշվ. աշխ., էջ 12, 19, 22, 29.

⁹⁴ Н. К. Кривонос, նշվ. աշխ., էջ 101.

⁹⁵ N. Iorga, Studii și documente, v. VI, էջ 637, d. XVI.

⁹⁶ ЦГИА УССР, г. Львов, ф. 52, оп. 3, Акты войтовского суда, кн. 402, № 1714.

նին»⁹⁷։ Այս փաստերը խոսում են այն մասին, թե սոցիալական դրությամբ իրենից որպիսի հակադրություն էր ներկայացնում մոլորական քաղաքների հայ բնակչությունը։

Ասվածը ի մի բերելով, կարող ենք նշել, որ Մոլորականի մի շարք քաղաքների հայ բնակչությունը դրական դեր է խաղացել երկրի տնտեսության զարգացման գործում, իսկ հայ վաճառականների առևտրական գործունեությունը նպաստել է հարևան պետությունների, մասնավորապես արևմտաուկրաինական հողերի հետ Մոլորականի պատմական կապերի ամրապնդմանը։

⁹⁷ Նույն տեղում, ԿՌ. 402, թ. 1714։